

մարդավարի կերպով պաշտպանելու ընդունակություն չունի: Դարաւոր ստրկութիւնը սովորեցրել է նրան վիզը ծռել եւ խնդրել: Նա չէ կարող իր դժգոհութիւնը յայտնել, առանց ստորացնելու իր անձնաւորութիւնը: Նա կա՛մ այդպէս կվարուէ, կա՛մ բոլորովին կլռէ, ամէն ինչ թողնելով նախախնամութեան կամքին:

– Եւրոպացին, ճանապարհորդելով արեւելքում, ըստ մեծի մասին թողնում է, անցնում է գիւղերը եւ կանգ է առնում միայն քաղաքներում: Եւ որովհետեւ քաղաքներում օրինաւոր հիւրանոցներ չկան, այլ կան միայն կեղտոտ քարոտնասարաներ, այդ պատճառով նա օթեւան է որոնում մասնաւոր տներում: Թուրք կառավարիչները, որպէս յիշեցի, մեծ ուրախութեամբ ընդունում են նրանց իրանց հարկի տակ: Նա չէ մտնում հայ գիւղացու, հայ արհեստաւորի տունը, որոնք իրանց սիրտը, հոգին եւ ամէն ինչ դնում են աստօյ հիւրի առջեւ, որոնք իրանց նահապետական պարզութեամբ կարող էին հիացնել ամէն մի օտարականին: Եթէ պատահում է եւրոպացուն մի հայի տուն մտնել, անպատճառ դա կա՛մ արթունի ծառայող կը լինէր, կա՛մ մի կապալառու եւ կամ մի հարուստ վաճառական: Ծառայողը, կապալառուն, վատ չէր խօսի այն կառավարութեան մասին, որից ինքը հաց է ստանում: Իսկ վաճառականը ամէն ազգի մէջ՝ ըստ մեծի մասին եսական է, անտարբեր է դէպի հասարակաց թշուառութիւնները: Տաւալին այն է, որ եւրոպացիները միշտ հայ վաճառականների են հանդիպել, եւ նրանց գլխում մեխի պէս ցցոել է այն սխալ կարծիքը, թէ հայոց ազգը բաղկացած է ամբողջապէս վաճառականներից: Այդ մեխը մինչեւ այսօր անհնար է եղել դուրս քաշել: Այդ է գլխաւոր պատճառը, որ մեր ազգը համեմատում են հրեաների հետ եւ շատ նման են գտնում: Դեռեւս չգիտեն, որ արեւելքում, ուր որ հայեր են բնակւում, արհեստը եւ երկրագործութիւնը գլխաւորապէս նրանց ձեռքումն է, չգիտեն, որ այդ աշխատասեր հայերն են, որ ճնշած են, հարստահարած են, եւ իրանց վաստակով կերակրում են իրանց անյազ նեղիչներին:

### Ե. ՀՆԱԳԻՏԱԿԱՆ ՀԵՏԱԶՕՏՈՒԹԻՒՆՆԵՐ

Միւս օրը մենք անհամբերութեամբ սպասում էինք առաջնորդին, որ խոստացել էր փաշան ուղարկել մեզ՝ քաղաքի մէջ եւ նրա շրջակայքում գտնուած հնութիւնները ցոյց տալու համար: Չգիտեմ ի՞նչ պատճառով վարպետ Փանոսը հակառակ էր այդ արշաւանքին: Բայց Ասլանը պնդում էր, թէ ինչ էլ որ պատահելու լինի, անպատճառ պիտի գնալ: